

إِنَّ الدِّينَ عِنْدَ اللَّهِ الْإِسْلَامُ



لَا إِلَهَ إِلَّا اللَّهُ مُحَمَّدٌ رَّسُولُ اللَّهِ

# Khutba Jummah

HADHRAT MUHYI-UD-DIN AL-KHALIFATULLAH

*Munir Ahmad Azim*

**RAMADAN MUBARAK!**

01 Juin 2018

(16 Ramadhan 1439 AH)

**Après ki li fine salué tous so bane disciples (et tous bane Musulmans) entier le monde avec le Salaam - la Salutation de paix dans l'Islam - Hazrat Khalifatullah (atba) fine lire Tashahhud, Ta'uz, Surah Al Fatiha, et ensuite li fine axé so Khutba lor: « Ramadan & Bonnes Manières ».**

Le mois de Ramadan amène nous pour cultive bonnes manières. Dans ene Hadith, Rassoollullah Hazrat Muhammad (saws) dire:

- (1) Celui ki pas abandonne mensonge dans paroles et actions, alors Allah pas besoin ki li quitte so manger et boire. (Bukhari).
- (2) Garde Roza li pas seulement abstenir manger et boire, plito, li abstenir de bane discours ignorant et indécent. Et si kikaine abuser ou comporte li avec ignorance avec ou, alors ou dire: « Mo Roza », « Mo Roza ». (Bukhari).

Sa deux récits là pointe vers l'importance de la vérité et bonne manières. Ainsi, sa mois béni là montrer nous pou pas seulement abstenir de manger et boire mais aussi abstenir de tel rapports et actions ki capave blesse bane dimounes et viole zot bane droits.

Rassoollullah (saws) dire, en décrivant ene vrai croyant: « *Ene Musulman, li celui de ki bane les autres musulmans zot en sécurité depuis so la langue et so la main.* » (Bukhari).

Donc, c'est à nous en tant ki individus pour examine nous bane manquements, et cherche ene amélioration et rapproche nous de la manière de nous Rassoool (saws) aussi bien ki aspire à l'excellence ki mentionner dans bane paroles suivants: « *Mo garantie ene la caze dans les environs Jannat pour celui ki arrête discuter, la guerre, même si li en raison, et ene la caze au milieu Jannat pour celui ki abandonne mensonge même en plaisanterie et ene la caze dans niveau plus élevé dans Jannat pour celui ki ena bon caractère/ bonnes manières.* » (Abu Dawud).

En évitant oppression, sans la honte, garde la haine et rancune entre zot bane frères et sœurs musulmans, faire *Ribbat* (palabres/ cause derrière lédos ene dimoune), mette désordre entre deux personnes, créer la guerre, discuter et faire sa vine ene longueur kot sa fini par ene mauvais la fin (ex. crimes etc.) et les autres mensonges, nous capave sauve nous de l'invalidité récompenses nous *Roza* kot Nabi Kareem (saws) dire: « *Capave ene Rozédaar pas gagne nannié de so Roza excepter la faim et la soif.* » (Ibn Majah, Ahmad).

Bizin lutter pour *Ihsaan* (droiture et sincérité) et reste loin avec *Riya* (show off). *Ihsaan* veut dire faire *Ibaadat* couma dire nous trouve Allah devant nous, même si nous pas trouve Li, mais Li, Li trouve tout et Li pé trouve nous.

Donc, kan nous pé garde *Roza*, nous besoin gagne sa qualité là ki nous surveille nous-mêmes et nous reste loin avec *Riya* ki nous capave pé faire. C'est la raison pour laquelle, Allah Ta'ala dire dans ene **Hadith Qudsi**: « *Roza li pour Moi et c'est Moi ki récompense pour Roza.* » (Bukhari). Allah (swt) faire *Roza* vine ene action apart quand Li dire: « *Roza pou Moi* » parski personne pas conner si nous *Roza* ou non, excepter Allah.

Dans le mois de Ramadan, ou trouve l'harmonie et l'unité de bane musulmans. Hazrat Muhammad (saws) fine dire: « *Roza c'est quand dimounes garde carême, casse Roza (Iftaar) c'est quand dimounes casse carême, et Le Sacrifice c'est quand dimounes faire Le Sacrifice (c'est-à-dire, pour Eid-ul-Adha).* » (Tirmidhi).

Alors explication de sa Hadith là c'est garde *Roza* et faire *Iftaar* ensam avec Jamaat (c'est-à-dire, en congrégation) et la majorité de bane dimounes, comme-ci le *Iftaar* dans le mois de Ramadan, li vine ene acte d'*Ibaadat Ba-Jamaat* kot ena beaucoup *Sawaab* (bénédictions) à gagner, pareil couma *Ibaadat Ba-Jamaat* tous ensam zépaul contre zépaul et *Iftaar* aussi montrer nous, ki dans ene seul l'heure *Iftaar* tous pé casse *Roza* ensam et ainsi dans sa mois béni là, nous capave augmente sensation harmonie ene seul *Ummah* du fait ki nous garde *Roza* et faire *Iftaar* en même temps. Nous ena ene sentiment pour augmente conscience à propos situation bane musulmans et l'épreuve parski pendant *Roza*, ene musulman ena sensation et l'expérience de séki so bane frères et sœurs nécessaires ressenti, quand zot pé reste sans manger pendant plusieurs jours.

En effet, l'unité de bane musulmans et zot collaboration et entraide c'est ene des grands fondations lors ki l'Islam fine construire - couma Allah dire:

**« Attrape la corde d'Allah fermement, zot tous ensam, et entre zot même pas besoin diviser. »** (Al-Imran 3: 104).

Tous bane musulmans, en particulier mo bane disciples dans le Jamaat Ul Sahih Al Islam bizin bien mette sa dans zot l'esprit ki kan zot fine rentre dans le Jamaat Ul Sahih Al Islam, sa pas veut dire ki zot fine fer ene faveur lors Allah ou lors moi comme le serviteur et Khalifa d'Allah. Maziné bien ki zot fine reconnaite bane signes d'Allah et la véracité de So Khalifatullah de zot propre gré. Personne pas fine force zot pou accepter. Et de ce fait, sa pas veut dire ki kan zot fine rentre dans le Jamaat Ul Sahih Al Islam ki tout pou vine parfait ene sel coup. Ena beaucoup sacrifices et beaucoup réformes ki zot bizin apporter dans zot pou vine bane Sahih Al Islam, bane vrais musulmans.

Bane ki fine reconnaite sa humble serviteur là comme le Khalifatullah et fine intégrer le Jamaat Ul Sahih Al Islam, et ensuite fine désespéré et fine convaincu par bane émissaires de Shaytane pou égare zot du droit chemin, et fine quitte le Jamaat Ul Sahih Al Islam, alors malheureux à zot. Rappelle zot, croire et rejette croyance dans Allah et le Messenger de zot l'époque pou apporte la destruction pou zot à moins ki zot réformer/ repentir.

Jamaat Ahmadiyya et bane les autres pé contigner fer zot travail pou tire bane dimounes du Jamaat Ul Sahih Al Islam, et ena même bane hypocrites, bane serpents dans le Jamaat Ul Sahih Al Islam ki pas convaincu de la véracité d'Allah et de So Khalifatullah, alors fer bien attention, la punition d'Allah pou tombe lors zot à moins zot répenté et vine bane vrais croyants.

**Tous mo bane VRAIS disciples, si zot trouver au fond de zot lécoeur ki zot mo bane VRAIS disciples, alors zot tous bizin reste uni, et pas donne bane hypocrites et bane ki rode mette désordre dans le Jamaat Ul Sahih Al Islam pié pou fer le mal au Jamaat d'Allah. Pas tracasser, si zot sincère, c'est Allah ki pou protége zot et zot *Imaan* (la foi), mais si zot bane hypocrites, alors c'est Allah même ki pou retire zot de So Jamaat (Jamaat Ul Sahih Al Islam).**

Jamaat Ul Sahih Al Islam li pas ene Jamaat pou mette dimounes dehors, mais c'est ene Jamaat kot c'est ki Allah même ki mette dehors tous bane ki pas sincères et hypocrites; c'est zot ki pou aller par zot-mêmes et alors bane VRAIS croyants, zot, faudé pas zot désespérer et zot bizin tini ferme dans zot *Imaan*. Sa c'est bane testes ki Allah fer avec zot. C'est pour sa, Allah dire, Attrape fort la Corde d'Allah, *Imaan* dans Allah et la vérité ki zot fine recevoir et pas diviser, sinon zot pou bane perdants, et zot situation pou bien malheureux.

[ **Note:** En plisse de ça, le Khalifatullah, Hazrat Munir A. Azim (atba) fine parle du fait ki jamais li fine même force so propre famille pou croire dans li. Zamais même li fine dire zot à propos bane Manifestations d'Allah. C'est vers l'an 2000 avec bane problèmes dans Seychelles ki so bane familles fine commence pose questions. Et li fine aussi parle comment ene fils d'Adam fine commence faire complots contre li, tandis ki ene l'autre fils d'Adam fine commence croire dans li et note so bane révélations divines. Mais aujourd'hui kot tout ça fine aller?

De même, li (atba) fine aussi faire rappler ene révélation ki li gagne au commencement de la Manifestation Divine kot Allah fine dire li ki pou ena beaucoup dimounes ki pou vini couma bane Sadou, couma soi-disant bane bons dimounes, et dire ki zot croire quand en vrai dire zot pas ena vrai la foi et ki zot pou vende bane informations à bane l'ennemies d'Allah, du Khalifatullah et du Jamaat Ul Sahih Al Islam. Hazrat Khalifatullah (atba) fine aussi mentionne en bref en rêve d'ene de so disciple ki ti rêver ki ena serpent/s dans le Jamaat... ]

**Pour revenir lors le vif du sujet de mo Khutba...** Couma Allah dire dans Quran:

**« Attrape la corde d'Allah fermement, zot tous ensam, et entre zot même pas besoin diviser. »** (Al-Imran 3: 104).

Et bane croyants hommes et dames zot bane camarades et protecteurs l'un pour l'autre.

Ainsi, nous trouver ki l'islam mette l'emphase lors rassemblement les cœurs et encourage *Ijtima* (collectivité). Sa unité là li pas juste reflecter seulement dans mois Ramadan mais aussi dans bane les autres mois à venir et les autres actes de culte. Par exemple, nous ordonner par Rassoollullah (saws) pour faire *Namaz* 5 fois tous les jours en congrégation (*Ba-Jamaat*), et li 27 fois plus profitable ki faire *Namaz* seul. De même, sa l'esprit collectif là li manifester dans Hajj, et de ce fait bénédiction fine placé dans collectivité.

De même, dans nous bane actions quotidien, comme manger, l'islam montrer la collectivité. Ainsi, Wahshi Ibn Harb (ra) rapporté ki quelques-uns de bane compagnons du Saint Prophète (saws) fine dire li: « *Ô Messenger d'Allah, nous manger mais nous pas satisfait.* » Li réponde: « *Peut-être zot manger individuellement?* » Zot réponde: « *Oui* », et li (saws) dire: « *Mange collectivement et mentionne le nom d'Allah. Et l'heure là pour ena bénédiction pour ou là-dans.* » (Abu Dawud).

Ene jour Rassoollullah (saws) ti vine vers bane compagnons ki ti pé assizé dans différents cercles et li dire bane là: « *Ki faire mo bizin guette zot assizé séparément?* » De la même façon, Abu Thalabah Al-Khushani (ra) dire quand bane dimounes ti pé camper, zot ti habituer disposer lors montagne et bane vallées. Et Messenger d'Allah (saws) dire: « *En fait zot éparpiller lors sa montagne là et bane vallées li depuis Shaytane.* » Après sa, n'importe kan zot ti pé camper, zot ti faire li ensam à tel point ki si ti largue ene la toile, ti capave couvert zot tous. (Abu Dawud).

Garde *Roza* li bon aussi pour la santé et li ena plusieurs profits médicale et li montrer bane musulmans pour prend soin de zot la santé et pour gagne ene lé corps solide. Rassoollullah (saws) dire: « *Ene croyant fort meilleur et li plus aimé par Allah ki ene croyant faible, et ena la bonté dans sakaine.* » (Muslim).

Allah déclarer dans Quran: « **Sans doute, sa religion pour zot là (li) ene seul religion, et Moi (Mo) zot Seigneur. Alors prié Moi tousel.** » (Al-Anbiya 21: 93).

Et plus loin Allah mentionner: « **Bane musulmans zot bane frères.** » (Al-Hujurat 49: 11).

Rassoollullah (saws) fine clarifier nature relations entre bane musulmans dans ene Hadith: « *L'exemple de bane musulmans li couma ene lé corps. Si ene parti ena douleur, tous les autres parties vine à so aide avec la fièvre et manque sommeil.* » (Bukhari, Muslim, Tirmidhi).

Pour terminer, nous demande Allah pour donne nous la capacité pour change nous même pour le meilleur et pardonne nous bane péchés et guide nous sur le droit chemin. *Ameen, Summa Ameen, Ya Rabboul Aalameen.*